



СИБЭТИЭЙ ИОАНН АПОСТОЛ ИККИС ИЛДЫТ СУРУГА

1¹⁻² Мин эрэ буолбатах, дынг кырдьыгы билбиттэр бука бары-
быт, биһиги сүрэхпитигэр ингэн сылдыар, үйэлэр тухары би-
һигинниин буолар кырдьык туһугар, дынг тапталынан таптыыр
хотуммутугар эйиэхэ, Танара талыылааһар, уонна эн оҕолор-
гор — миигиттэн, кырдыаҕастан*, эбэрдэ.

³ Аҕа Танара уонна Кини Уола Иисус Христос Айыы То-
йон** илгэлээх үтүөлэрэ, аһыныгас сыһыаннара, иллэрэ-эйэ-
лэрэ бары кырдьыгы уонна тапталы кытта эһигинниин энээр-
дэһиэхтин!

Кырдьык уонна таптал

⁴ Аҕаттан ылбыт кэриэспитин толорон, кырдьыгы бэринии-
лээхтик тутуһа сылдыар дьон эн оҕолорун ортолоругар баалла-
рын көрөн, мин улаханлык үөрдүм. ⁵ Онон, күндү хотун, би-
лигин санга кэриэһи буолбакка, хара маннайгыттан истибит
кэриэспитин тоһоҕолоон туран, бэйэ-бэйэбитин таптыабын
диэн эһигиттэн көрдөһөбүн. ⁶ Таптал — Кини кэриэстэринэн
олоруу. Бу кэриэһи тутуһуохтааххыт туһунан эһиги хара ман-
найгыттан истибиккит.

⁷ Киһи буолан кэлбит Иисус Христу билиммэт албын-көл-
дүүн дьон бу аан дойдуга элбээтилэр: кинилэр албыннарын
ааһан, Христу утараллар. ⁸ Онон кытаатан бэйэбитин көрүнэ

* 1:1-2 *Кырдыаҕас* — «пресвитерос» диэн грек тылын атын суолтата «аҕа ба-
һылык».

** 1:3 *Айыы Тойон* — сорох былыргы гректии илиинэн суруйууга бу тыл суох.

2 ИОАНН 1

сылдын: үлэбит* түмүгүн үрэйэн-сарайан кэбиспэккэ, толору төлөбүрү ыларга дьулуһун. ⁹Христос үөрэҕин кэһэн туора хаамар, бу үөрэҕи тутуспат киһи Тангарата суох, оттон Христос үөрэҕин тутуһан олорор киһиэхэ Аҕата да, Уола да баар. ¹⁰Эһиэхэ кэлэр эрэри, бу үөрэҕи ильдэ кэлбэт киһини дьыэҕитигэр киллэримэн, эҕэрдэлээн көрсүмэн. ¹¹Эҕэрдэлээн көрсөр киһи кини мөкү дьайытыгар кыттыгастанар.

Түмүк тыл

¹²Бэрт элбэҕи суруйуом этэ гынан баран, эһигини кытта ку-мааҕынан-чэрэниилэнэн кэпсэтиэхпин баҕарбаппын; үөрүү-гүт толору буоларын туһугар, бэйэҕитигэр тийэн сирэй көрсөн олорон кэпсэтиэм диэн эрэнэ саныыбын.

¹³Эйиэхэ эдьийинг, Тангара талыылааҕын, оҕолоро эҕэрдэлэрин ытталлар. Аминь**.

* 1:8 *Үлэбит* — сорох былыргы гректии илиинэн суруйууга «үлэҕит».

** 1:13 *Аминь* — сорох былыргы гректии илиинэн суруйууга бу тыл суох.